

Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuut

(Aningaasaqarnermut Naalakkersuisumit saqqummiunneqartoq)

pillugu

siunnersuutip aappassaaneerineqarneranut

Aningaasaqarnermut Akileraartarnermullu Ataatsimiititaliap

ILASSUTITUT ISUMALIUTISSIISSUTAA

Ataatsimiititaliap suliarinninnerani peqataapput:

Inatsisartunut ilaasortaq Andreas Uldum, Demokraatit, siulittaasoq
Inatsisartunut ilaasortaq Olga P. Berthelsen, Inuit Ataqtigiit, siulittaasup tullia
Inatsisartunut ilaasortaq Juliane Henningsen, Inuit Ataqtigiit
Inatsisartunut ilaasortaq Aqqaluaq Egede, Inuit Ataqtigiit
Inatsisartunut ilaasortaq Siverth K. Heilmann, Atassut
Inatsisartunut ilaasortaq Jens Immanuelson, Siumut
Inatsisartunut ilaasortaq Finn Karlsen, Siumut

Siunnersuut siullermeerneqareermat Naalakkersuisut allanngutissatut siunnersuuteqarput, taamaattumillu ataatsimiititaliaq matumuuna ilassutitut isumaliutissiissuteqarluni.

Allanngutissatut siunnersuutip imarisai

Naalakkersuisut allanngutissatut siunnersuuteqarnertik ilaatigut ima tunngavilersorpaat:

” Siunnersuutip siullermeerinermi saqqummiunneqartup misissornerani paasineqarpoq isertitassat amerleriaatissaat 3 mio. kr.-inut missingersuunneqarnerat qaffasippallaartoq. Isertitassat tassunga taarsiullugu minus 1 mio. kr.-it (annaasat) aamma plus 1,5 mio. kr.-it (iluanaarutit) akornannut missiliuunneqarsimasussaagaluarput.

Aamma siunnersuut siullermeerneqareersoq Naalakkersuisut paasivaat assartuinermi aningaasartuutit ilanngullugit ilanngunnagilluunniit tunisinermi, tassa imaappoq qanorluunniit niueriaaseqaraluaaraanni akitsuutinik akiliinissamik kalluaannginnissaq, Raajanut akitsuutit pillugit Inatsisartut inatsisaata allanngortinneqarneranik Inatsisartut inatsisissaattut siunnersuutikkut saqqummiunneqartukkut qulakkiivinneqarsiman-ngitsoq [...]

Aappassaaneerinissami allanngutissatut siunnersuummik saqqummiussinissartik Naalakkersuisut tamanna tunngavigalugu kissaatigaat.

Allannguutissatut siunnersuutip kingunerissavaa nunanut allanut nioqquteqartut assartuinermi aningaasartuutiminnik ilanngussillutik naatsorsuisanngitsut raajat tunineranni akiat, akitsuutinik naatsorsuinissaq pisinnagu kiilumut 1 kr.-imik qaffattassagaat”.

Ataatsimiititaliap siunnersuummik suliarinninnera

Ataatsimup isigalugu ataatsimiititaliaq isumaqarpoq inatsisissatut siunnersuutit ima siusit-sigisukkut suliarineqareersimasariaqaraluartut siunnersuutip sunniutigisinnaasaanik misissuin-issamut tamakkiisumillu nassuiaatiginissaannut Naalakkersuisut periarfissaqarlutik. Ataatsimiititaliap kaammattuutigaa Naalakkersuisut siunissami tamanna eqqumaffiginerussagaat.

Siunnersuutip aningaasatigut kingunerisassai

Naalakkersuisut ilisimatitsissutigaa allannguutissatut siunnersuutip malitsigisaanik isertitas-sat amerleriaatissaat 1,5 mio. kr.-iussassut, siunnersuutaaqqaartumit 1,5 mio. kr.-inik ikin-nerullutik.

Ataatsimiititaliap inassuteqaatai

Ataatsimiititaliap isumaqatigiittup allannguutissatut siunnersuutip akuerineqarnissaa inassutigaa

Taamatut oqaaseqarluni isumaliutissiisummilu oqaatigineqartutut paasinnilluni ataatsimii-titaliap taamaalilluni siunnersuut aappaaniigassanngortippaa.

Andreas Uldum, Siulittaasoq

Olga P. Berthelsen

Juliane Henningsen

Aqqaluaq Egede

Siverth K. Heilmann

Jens Immanuelson

Finn Karlsen